

EL CISCO KID

Por: José Salinas Rod Reed



Asina e Indiannan cu e hendenan di e waganan a keda ta bringa. Porfin e Indiannan tabata mira cu nan no tin moda di gana mas y nan a dicidi di retira nan mes.

Nan a bira nan cabai y nan a core drenta den e barancanan atrobe. E hendenan di e waganan contento cu porfin e pelea a caba y cu nan a scapa di e Indiannan tur a lamta y grita ta balia rond di alegría, manera ta loco nan a bira. Pla cu algun di e otro hombernan di edad cu ta compren-

de cu ta pa motibo di Cisco nan por a gana e pelea a bai mes ora cerca Cisco pa bai gradicié.

„Mashar danki Cisco. Na bo curashi y bon mandamento nos mester gradici victoria ariba e Indiannan“, Pla ta bisa, sacando su man pa e duna Cisco.

Adan a bin na careda y ta grita: „No duna un matador man, señor.“

CORTA Ariba WOWO ROBEZ A CAUSA DERROTA DI RAUL TOVAR CONTRA DI BATTLING SIKI

(Di Nos Sportreporter)

ORANJESTAD.— E venezolano Raul Tovar a perde den e pelea estelar di e programa di dia Razon anochi pa T.K.O. den 2 minuut y 45 seconde di e quinto round. Referee Jimmy Lambert a para e pelea den e quinto asalto ora cu e herida cu Tovar a hanja ariba su wowo drechi tabata sangra asina hopi cu e mester a declara Battling Siki como vencedor.

E Arubiano a subi ring pisando 162 lbs, mientras cu su contrario a pisa 166 lbs. For di principio e pelea tabata masja cayente cu ambos pugilista conectando bon golpi. Den e promer asalto Siki tabata tin un ventaha cu su rapidísimo ganchonnan na cabez y costilla. Especialmente su gancho di derecho tabata masja sorprendente y continuamente tabata conecta cu efecto. Na principio di e segundo tambe nan ta habri cambiando golpi rapidísimo. E arubiano ta conecta mas y cu bunita „getaway“ ta evita varios golpi di e venezolano. Di repente Siki ta conecta fuerte gancho na cabez cu ta tambalea e venezolano. Siki ta persigui y cu un golpi solido ariba su boca ta manda Tovar pa lona. Pero e venezolano ta lamta para mesora y mester para warda e conteo reglamentario di ocho. Tovar ta bini aden y ta duna bon pelea atrobe pero no por pone un golpi solido ya cu Siki su defensa ta bon a la vez cu e ta tira su ganchonnan na nek y cabez. Apenas e tercer round ta cuminza Siki ta conecta fuerte derechazo ariba wowo robez di Tovar cu ta habri un herida y sanger ta cuminza brota.

Pero e valiente venezolano no sabi kiko ke meen para y continuamente ta bai aden pa busca y duna pelea. Su golpinan aparentemente no tin hopi efecto ariba Siki, pero un rush ta manda Siki den cabuya caminda e arubiano ta demostra bunita footwork saliendu sin cu Raul por a conecta solido. Den e round aki e venezolano ta tira hopi golpi pero Siki su defensa ta bon y no ta permiti mucho di e golpinan aki dal e. E dokter oficial van Putten ta subi ring na final di round pa examina e herida, pero ta constata cu Tovar por continua bringa. Battling Siki tin un „target“ awor y continuamente ta pone jab corto y duru net ariba e herida, loke ta pone sangra mas. Raul sin embargo ta bringa su mihor round den e cuarto y ta obliga Siki bai hopi den defensa cu rapido one-two. Cu pelea di aden e ta hiba Siki ventaha ya cu e ta castiga e arubiano hopi den custilla asina. Publico ta gozando masja hopi di e pelea ya cu awor Tovar tambe a cuminza ta conecta mihor. Na final di e cuarto referee Lambert ta yama Dr. van Putten ariba ring atrobe pa bolbe mira e herida ya cu awor tin dos corta. Secondnan di Tovar ta

trahando duro pa stop e sangramento y ta logra esaki momentaneamente. Durante e quinto Siki ta continua castiga Tovar ariba e herida. Despues di 2 minuut y 45 seconde referee Lambert a dicidi di para e pelea ya cu e sangramento tabata bira cada rato peor. Ta lastima cu esaki mester a pasa ya cu tur dos pugilista tabata duna masja bon pelea di cual e publico tabata goza hopi. E arubiano Battling Siki a demostra un biaha mas di ta un pugilista di clase cu ta poseedor di un terrible punch. Nos tin gana di mira e boxeador aki mas biaha den accion, pero segun nos ta entente continuamente ta surgi dificultad entre e cu e promotornan cu ta impidi esaki mas biaha. Raul Tovar a vence e publico cu su gran coraje, pero como contendor numero uno pa e faha venezolano si e ta desapunta un poco.

E dos jueznan y e referee tabata tin e cuatro roundnan bringa repari den siguiente forma: Referee Lambert dos pa Siki y dos empatá, Juez Mc Millan 3 pa Siki y uno empatá y Juez Downey tur cuatro pa Siki. Nos anotacion tabata dos pa Siki y dos empatá. E semi-final di e programa aki tabata e revancha entre e venezolano Isaac Isturis (139 lbs) y dominicano Kid Colorao (138 lbs). Nan promer pelea teni na Caracas a termina den un victoria pa Isturis pa e yu rapido. E venezolano no a logra ripiti e hanzanja aki, pero si a logra e decision di tur e dos jueznan y tambe di e referee pa gana unanimemente. Colorao, kende awor mester cambia su

number ya cu su cabez no ta cora mas pasobra e la tinjele preto. a cuminza masja slow, pero den di cuatro round a cambia di sistema y tabata duna mihor pelea. Isturis ta habri e round inicial cu tres jabs na cabez y despues ta conecta gancho corto na garganta di e dominicano. Den e segundo round cu un fuerte izquierdazo na cara despues di a conecta dos golpi na cabez ta pone e payaso dominicano tambalea. E joven venezolano ta bringando un calma di veterano y ta midi tur su golpinan bon. Facilmente e ta logra pone e dos promer roundnan na su number. Den e tercer Colorao ta ricibi un otro gancho corto na cara, pero ta reacciona bon y na final di round ta conecta varios bon golpi. Su golpinan na curpa ta hopi rapido, especialmente su one-two. E proximo round e dominicano ta sali haciendo un rush cu ta sorprende Isturis. Colorao ta conecta bon derechazo na cara cu ta pone Isturis su manishi sangra.

Pero den e proximo e venezolano ta bolbe cuminza domina e pelea y no ta haci caso di Colorao ora cu esaki ta yame pa bin bringa di aden. Cu su golpinan largo e ta logra pone e dominicano den apuro. Colorao ta conecta un rabbit-punch cu ta provoca referee Lambert di dunele un aviso. Un rapido y fuerte golpi na cara di Colorao ta habri un herida chikito bao di su wowo robez. E sexto round ta bira masja cayente cu ambos pugilista conectando bon, pero den e intercambianan aki e venezolano ta conecta mas y ta mantiene un ventaha chikito. Di repente Isturis ta sak den su rodilla reclamando un golpi bao di faha. Publico ta cuminza grita e dominicano pa e golpi sushi aki. Pero despues di conteo di seis Isturis ta lamta para y ta continua e pelea. Den e sexto e dominicano ta bolbe conecta bao di faha loke ta provoca Isturis tambe di tira un golpi similar. Esaki tabata e round den cual no tabata tin bunita boxeo ya cu tur dos tabata conecta mas golpi sushi cu limpi. Colorao ta conoci como un boxeador cu ta haci uso di tur sorto di trikita pa e gana y como e tabata realisa cu e tabata perdiendo e la cuminza bringa sushi. Tambe e tabata trata di desconcerta Isturis haciendo cos di loco den ring y hariendo por nada. Referee Lambert a duna Isturis 4 round, cero pa Colorao y 4 empatá. Juez Downey a duna cuatro pa e venezolano, dos pa Colorao y dos empatá. Juez Mc Millan a duna cuatro pa Isturis uno na Colorao y tres empatá. Nos anotacion a coincide cu esun di Juez McMillan. E segundo pelea di ocho round di e programa internacional aki tabata entre e largo Aruban Chocolate (133 lbs) y e venezolano Ramon Buck Jones (134 lbs). E agilísimo Chocolate tabata hiba su contrario un ventaha enorme den alcance y tabata haci bon uso di esaki. Continuamente e venezolano tabata busca e pelea di aden, pero Chocolate no tabata permiti esaki teniendo Buck Jones na un distancia cu multiples jabs na cara y cabez. E promer seis roundnan di e pelea aki tabata monotono cu e venezolano buscando

KIKO LO TIN MESTER AKI?



„VASELINE“ HAIR TONIC



„Vaseline“ Hair Tonic ta pone bo cabelombra y ta ponele keda mehor peiná y tambe e ta masha economico solamente algun gota ta suficiente pa dia. Purba y veita pa bo mes.



Agente
CONTAL AGENCIES LTD.
TEL. 1418

un manera di yega cerca pa por conecta solido, pero e arubiano haciendo alarde di bon y rapidísimo footwork ta sali tur biaha y tambe cu rapido jab ta mantiene distancia. Den e sexto Chocolate ta conecta dos fuerte golpi na cara di su contrario cu ta pone publico grita. E venezolano ta reacciona sorprendentemente den e ultimo minuut di e septimo round. Porfin e la descubri un manera di conecta poco gancho largo na cara y cabez di Chocolate. E tabata sak masja hopi y ora cu Chocolate tambe sak pa conecta e ta bini ariba rapidamente cu derecho na curpa y un gancho de izquierda cu tabata hopi efectivo. E ta logra manda e largo Chocolate den cabuya y ta castigle fuertemente te ponele groggy, pero bel ta zona scapando Chocolate di un posible knockout. E ultimo round ta cuminza den mes un forma y Buck Jones ta bolbe conecta varios bon golpi cu ta pone Chocolate den hopi dificultad, pero e venezolano ta hopi cansa di tanto jabs cu e la hanja den su cara, y no tin suficiente energia mas pa logra un knockout. Pa decision Aruban Chocolate a sali victorioso ya cu por lo menos cuatro y promer seis roundnan tabata na su favor. E veterano Juan Lopez (132 lbs) di Venezuela y Efe Croes (134 lbs.) di Aruba a enfrenta otro den e promer pelea a ocho round di e programa aki. E joven di Sta Cruz a duna bon pelea na principio, pero ora cu den di quinto round e la realisa cu e ta perdiendo e la cuminza ta bringa sushi. Cu un cabezazo e la habri un herida ariba wowo di Lopez. Den e siguiente dos roundnan e la continua ta conecta cu su cabez loke a provoca referee Lambert bisele cu si e hacie un biaha mas e ta worde desqualifica. E venezolano Lopez indubablemente no ta un pugilista cu no ta uso golpi sushi pero tanto visto asina si nos no por bisa cu e la conecta sushi den e pelea aki.

Efe Croes tin calidad di bira un pugilista cu no ta usa golpi sushi pero cu loke e la haci e anochi aki ta perhudiquele hopi pasobra no unicamente e la perde e pelea pero tambe e la perde admiracion di e fanaticonan di boxeo. Y e no mester lubida cu si e fanaticonan no kier mirele mas den ring e lo no por hanja pelea. E ta un joven masja fuerte cu tin un resistencia pa wanta golpi admirablemente grandi. Unanimemente e decision a cai na favor di e venezolano Juan Lopez. E pelea amateur entre Young Walcott y Young Jackson a termina despues di un bon demostracion di ambos na favor di Young Walcott. Aunke cu no tabata tin un cantidad enorme di publico loke nos ta atribui na e tempo cu continuamente ta amenaza cu yobe, nos por bisa cu e programa internacional aki a satisfice e publico, y tabata un exito den e sentido ey.

„An Amazing Coffee Discovery“



„Instant Maxwell House Coffee“
— Not a powder, not a grind, but millions of tiny hollow „Flavor buds“ of 100% pure Coffee. —



Seagram's
V.O.
CANADIAN WHISKY

„Honoured the World Over“

Distributors: ARUBA TRADING COMPANY



E kalakuna, cu ta worde obsequia na president Eisenhower tur añ a criadonan di kalakuna na Merca, ta worde recibi na Washington pa Vice-president di Estados Unidos Richard M. Nixon.



HEALTHIER AND STRONGER

DUE TO

LACTOGEN

NOW
WITH
VITAMINS A and D
and IRON



Thousands of babies throughout the world have grown healthy and sturdy due to LACTOGEN. Prepared especially by Nestlé's, LACTOGEN consists of pure milk of the highest quality, modified to provide your baby from early infancy, the balanced diet which he needs. Moreover, LACTOGEN now offers the advantage of being enriched with vitamins to aid in baby's growth and with iron as a protection against anemia.



A NESTLÉ'S Product

CONSULT YOUR DOCTOR.
Although your baby is in good health, the doctor should examine him periodically.

The milk most similar to Mothers' milk.

PEPITA

Por CHIC YOUNG



Awe Quiqui a hanja un bon dia pa e bai sinja pober Elmer, nan cachó, haci kenshi. El a bai busca un hoepel y a bin busca Elmer. Elmer cu tabata dushi drumi di dje no tabatin ningun gana di haci kenshi.

„Ban mira Elmer. Sinja bula door di e hoepel“, e ta bisa e cachó. Pero Elmer no ta ni moef. E ta mira cu un cara bon rabia.

„No sea asina floho sino ora bo bira grandi bo no ta sirbi pa nada. Bo no ta tende mi?“

Segun Quiqui ta papia cu e cachó e ta bai bahando e hoepel.

„Bo lo no kier pa bo bira artista di cine of di television? Ban mira bula“

E hoepel a jega suela, y Elmer mirando cu Quiqui no tin idea di stop di maga su pasenshi a lamta camna pasa door di e hoepel.

„Ni fama no por kita bo flohera?“